



故宮珍本叢刊

平定準噶爾方略

第四冊 共七冊

故宮博物院編 海南出版社

故宮珍本叢刊第 050 冊清代征戰方略

故宮博物院編

平定準噶爾方略

第四冊（共七冊）

海南出版社

圖書在版編目(CIP)數據

親征平定朔漠方略/(清)溫達等纂. - 影印本. - 海口:海南出版社,2000.6

(故宮珍本叢刊)

本書與“御製親征朔漠紀略/(清)聖祖撰”等13種書合訂

ISBN 7-80645-665-1

I. 親… II. 溫… III. 戰爭史-史料-中國-清代 IV. Z121.7

中國版本圖書館 CIP 數據核字(1999)第 68753 號

故宮珍本叢刊第 050 冊

清代征戰方略

平定準噶爾方略

第四冊(共七冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:26 印數:1-400 冊

ISBN 7-80645-665-1/2·14

定價:2650 元(清代征戰方略 14 種共 15 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

平定準噶爾方略正編卷之二十三

乾隆二十年冬十二月乙巳

命遣人曉諭明噶特游牧人眾

上諭軍機大臣曰。從前班第等奏稱明噶特部落共

二千餘戶。數年以來。屢被擄掠。牲畜俱盡。願自備

資斧。內移阿爾台地方居住。因阿睦爾撒納阻止

未行等語。明噶特部眾。現在何處。伊等與阿睦爾

平定準噶爾方略正編卷之二十三

一

撒納有隙。必無從逆之事。著策楞訪明游牧地方

遣人通信。令伊等擒賊自獻。或勦殺與賊同黨之

鄂拓克等。並令其隨大兵効力。於事有益。即商同

噶爾藏多爾濟等。令其派明白可信之人。前往曉

諭。其有似此等部落之人。俱一一遣人曉諭。使足

供我臂指。則賊勢愈蹙。大兵一到。即可集事。策楞

等務宜悉心籌畫。設法辦理。勿專恃朕指示遵行。

以副委任。

丙午。

參贊大臣玉保疏奏普爾普來告伊犁情形。

玉保奏言。臣於十一月十七日。至阿察喀喇烏

蘇地方。拏獲自伊犁前來克勒特宰桑巴桑之

弟普爾普。據稱阿睦爾撒納。領兵千餘名。在博

羅塔拉居住。另給兵一千名。令巴特瑪車凌額

平定準噶爾方略正編卷之二十三

二

林沁等。於十一月初間起程。擄掠諾爾布林沁

游牧。伊犁大喇嘛及宰桑烏克圖錫克錫爾格

納延泰巴顏巴桑等。皆言其負恩叛逆。擾害地

方。議將阿睦爾撒納擒獻贖罪。并送歸薩喇爾

已於十月二十五日。往圍勒奇嶺集兵。遣我送

信諾爾布林沁防備等語。臣即將普爾普解策

楞軍營。令與諾爾布林沁詳加詢問。奏入。

上諭軍機大臣曰。據玉保奏稱。所獲普爾普告知伊
 犁喇嘛等。現在集兵擒獻阿逆。以贖前罪等語。準
 噶爾人等。原屬反覆無常。然尚知利害。從前阿睦
 爾撒納。詭言四衛喇特人眾。皆其羽翼。衆人不審
 虛實。懼伊勢力。脅從作亂。後知諾爾布林沁出兵
 擊賊。而北路發兵。先遮賊人游牧。不獲逃竄。復勦
 滅包沁人等。西路又將布庫努特等誅戮。伊等聞

平定準噶爾方略正編卷之三

三

風畏懼。旋即知悔。今伊犁喇嘛等。知逆賊力不可
 恃。共圖擒獻以贖前罪。此非出於飾說。乘此機會。
 策楞等。即應領兵直入。責令伊等擒賊自効。誅滅
 黨惡。寬其脅從。其勢更易。且噶爾藏多爾濟等。皆
 係該處大台吉。其舊日屬人。自必聞風來歸。可以
 資其兵力。若普爾普所稱阿逆派兵千名。遣巴特
 瑪車凌等。擄掠諾爾布林沁之語。尚非實情。不過

伊等欲聯絡諾爾布林沁之意。如果前來。則大兵
 以逸待勞。會同諾爾布林沁。奮力勦滅。賊勢從此
 益孤。更可計日就獲。現在降旨傳諭伊犁喇嘛等。
 令其効力贖罪。著加恩授普爾普為三等侍衛。賞
 銀五十兩。並派侍衛一員。同伊前往伊犁。宣旨曉
 諭。

命傳

平定準噶爾方略正編卷之三

四

諭伊犁喇嘛等効力贖罪。
 上諭伊犁喇嘛等曰。阿睦爾撒納。負恩叛逆。擾亂伊
 犁。爾等畏其勢力。勉強服從。朕早已洞見情形。昨
 聞宰桑錫克錫爾格。不將副將軍薩喇爾。遣送逆
 黨約蘇圖等。具見誠悃。已傳旨曉諭。今爾等自知
 前非。俱欲擒賊自効。遣普爾普告知將軍大臣等。
 據實陳奏。實堪嘉予。爾等果能洗心滌慮。冀受朕

恩卽將逆賊擒送軍前。不特寬宥爾等從前罪愆。自當更加厚恩。慎勿執迷不悟。自取誅滅。

命免革巴里坤辦事大臣和起。豆斌職。

上諭軍機大臣曰。和起。豆斌因從前辦理馬匹遲悞。經部議革職。仍留軍營効力行走。本應如所議革職。第念和起等此次辦理軍營糧餉馬匹。尚屬無悞。著免其革職。從寬留任。伊等邀恩寬宥。宜益加意辦理。倘再有貽悞。斷不寬貸。

平定羅喇喇等整鑲之軍

五

丁未。

定西將軍策楞疏奏會同諾爾布林沁進兵事宜。

策楞奏言。臣會同諾爾布林沁。令其派兵二千名。於十一月初一日。在特訥格爾華托羅海等處會齊。進剿阿巴噶斯哈丹等游牧。後因諾爾

布林沁未能如期而至。改於十一月二十日會合。又因特訥格爾等處水草不足。約至阿察地方會同進發。現在帶兵前進。奏入。

上諭軍機大臣曰。據策楞奏稱。在阿察地方會同諾爾布林沁進剿阿巴噶斯哈丹等。及招服塔本集賽各事宜等語。策楞等現在進兵。甚合機宜。惟從前因伊犁來人等告知喇嘛宰桑等。圍困將軍大臣降旨令將喇嘛等勦滅。今伊犁喇嘛同宰桑烏克圖錫克錫爾格等。請擒賊贖罪。遣普爾普告知。是其情尚可原。策楞抵伊犁時。著將喇嘛等寬宥。以安衆心。並責令其擒賊自効。再約蘇圖尚在幼年。未必有從賊之心。不過聽察哈什指使。察哈什斷不可容。其餘如約蘇圖等。尚可寬貸者。著策楞等分別辦理。

平定羅喇喇等整鑲之軍

六

戊申。

命曉諭中外西陲用兵始末。

上諭大學士曰。阿睦爾撒納。本一奸詭狡惡之人。因

數年來。準噶爾部落篡奪相尋。希圖吞噬。而準噶

爾台吉。乃綽羅斯世傳。伊係輝特。勢不能遽行竊

踞。遂以達瓦齊為奇貨。誘助攻殺。伊得從中取事。

及達瓦齊既為台吉。不遂所欲。乃率眾來降。彼時

平定準噶爾方略正編卷之三

七

策楞舒赫德。議留其丁壯於軍營。而老幼婦女。悉

於歸化城安置。朕為天下共主。彼以窮蹙來歸。而

轉令其妻子離散。實所不忍。且伊擁眾數千戶。同

來。亦斷不肯聽其離析。勢必肆出劫掠。其為害於

喀爾喀者甚大。是以治策楞舒赫德之罪。而召見

阿睦爾撒納於熱河行在。錫之封賞。伊即面陳平

定準噶爾方略。準噶爾一事。乃我

皇祖

皇考屢申捷伐。未竟之緒。本所當辦。今既機有可乘。自

不容已。而以夷攻夷。非即用伊為先導不可。是以

即用為將軍。然朕已早燭其未可深信。故令額駙

色布騰巴爾珠爾與之同行。密降諭旨。阿睦爾撒

納若實心出力。可與之事權。以誠感之。若有反叛

之狀。則汝收將軍印。使宣行事。伊既向化而來。朕

平定準噶爾方略正編卷之三

八

即開誠布公。實心相待。加以厚恩。伊亦人類。寧不

知感。此

上蒼所鑒臨。初非術馭之利結之。逆詐而豫圖之也。迨

伊犁既定。朕降旨封四衛喇特為四汗。伊遂潛懷

逆謀。欲併準噶爾。遣人至哈薩克。揚言伊領兵平

定伊犁。而不云天朝大兵。又託言哈薩克人眾。謂

非令伊為總合吉不可。私調兵數千。置將軍印不

用。用準噶爾台吉私印。植黨修怨。殘殺自恣。六月班第等具以奏聞。朕卽降旨。令其卽軍中拏問治罪。班第等旋奏伊將遵旨入覲。朕召軍機大臣。示以所奏機宜。皆謂阿睦爾撒納。自必前來瞻仰。或慮其回巢後。滋生事端耳。而朕卽豫料其必不前來。是以復令班第等。卽於彼中相機從事。若已起身在旬日內。亦當追回迅速拏問。蓋伊旣懷叵測。

平定漢疆粵整編之三

九

卽詐稱入覲。亦必於途次遷延。若不早爲完結。必致生變。與其俟伊交結煽動。變遲而費大。何如及時乘機辦理之爲得也。乃班第等奏稱已遵旨遣人追取。適有哈薩克使者同行。恐其驚疑。復將追取之人撤回。獨不思哈薩克自大兵平定伊犁。屢次遣使至管。本極恭順。且深悉阿睦爾撒納之反覆狡詐。果正其罪。亦何妨明切曉諭。示以天討。彼

何驚疑之有。此班第等未能遵旨辦理。自失機宜

之大端也。朕見班第等不能在外完結。卽料其至

伊游牧地方。必且竄匿。必且潛取家屬。因降旨烏

里雅蘇台軍營大臣。令於撤回滿洲索倫兵內。截

留一千名往禦。而阿睦爾撒納。果密使人邀其妻

子尅期奔會。幸其所使班珠爾後期。而我滿洲索

倫兵。已詰朝畢集。遮留其妻子部衆。無一人闌出

平定漢疆粵整編之三

十

者。班珠爾等伎倆旣窮。始束身入覲。仍計回時劫之以去。此朕於熱河親訊時。據班珠爾等一一供吐者。若朕不豫爲部署。彼之家屬人衆。安然遠颺。豈不增其羽翼耶。額林沁多爾濟。我之扎薩克親王。班第等以其老成可任。令與阿睦爾撒納同行。乃齊木庫爾旣密告其弟逆謀已著。速當擒戮。而恬不知警。但答以我單親王。彼雙親王。不敢便宜

從事。夫既爲國家叛賊。尚何雙親王之足論。及阿睦爾撒納繳授將軍印信。令伊先行。尚不覺悟。逾日乃知其遁去。始以兵追捕而已無及矣。此又自失機宜之一大端也。班第鄂容安薩喇爾駐劄伊犁。受心膂之寄。當聯爲一體。乃班第爲人過於謹慎。氣局狹小。好親細事。鄂容安雖尚知大體。而不能通蒙古語。一應機密籌畫。未能洞悉。頗有漢人習氣。至薩喇爾之在準噶爾。譬之內地王府長史護衛者流耳。今雖授以顯秩。彼衆原所不服。而伊復粗率自大。三人者。性習各殊。安望其能和衷共濟。重以阿睦爾撒納之奸。其所不悅。盡遣入朝。三臣之左右。皆其黨與。三臣深信不疑。疎於自衛。兵散處馬遠牧。而軍營金帛茶布。以備賞賚者。夷衆耽耽以視。班第等初不介意。卽如敦多克曼集。乃

阿睦爾撒納所信用。班第等一聞搶掠臺站之信。卽應立爲擒戮。以剪其爪牙。乃轉令傳諭喇嘛。安撫夷衆。敦多克曼集因得招集羣兇。操戈相向。三臣倉卒衝突。賊衆大集。勢不能支。班第鄂容安捐軀以殉。薩喇爾被執。令班第鄂容安見機明決。早爲之所。安得至此。此二臣之殞命。種種皆由自悞。無所歸咎。而朕用人失當之悞。亦無可辭也。所可異者。阿睦爾撒納之狂悖情形。色布騰巴爾珠爾在軍營時。皆所深悉。且曾受朕密旨防範者。乃毫不加察。反爲所愚。與班第等如水火。朕是以命其來京。乃在朕前仍無一言奏及。伊親爲額駙。位列藩王。豈其與逆豎同謀。實可信其必無。特年少無知。初不料其至此也。至永常以領兵大臣。駐守烏魯木齊。聞臺站被掠。初以爲窮夷自相攻劫。奏請

帶兵追逐。意尚近於勇往。卽加內大臣銜以示鼓勵。及聞阿睦爾撒納逃叛。輒畏葸乖張。甘心僨事。退回巴里坤。而置伊犁於度外。設令永常當葉克明安宰桑扎木叅等叩轅請告之時。厲兵迅往。諸部得所依倚。協力搜捕。阿睦爾撒納子身通軼。可計日就擒。西陲已早安帖無事。如北路之殲滅包沁。是其明驗也。若以爲臺站已斷。難於前進。則現

平定遠圖彙編卷之三

三

在策楞與噶爾藏多爾濟之子諾爾布林沁文何以能偏師深入。振我軍威。而伊犁之喇嘛宰桑等。皆聞風內嚮。悔懼自新。願率衆追捕叛逆。以贖前愆耶。策楞既能奮勉。以蓋前愆。爰授以定西將軍。而永常之罪不容誅。今雖死於道路。亦當明正典刑。總之此事諸臣昧於機宜。節節貽悞。然其中益有

天意。何則。朕思阿睦爾撒納。雖傾險反側。但當伊犁甫

定。衆或以其爲國宣勞。而一切罪狀。惟軍營大臣見之。朕及軍機大臣知之。天下後世不盡知之也。又設使其遵旨入覲。朕爲久遠計。本欲宣播其奸。拏問治罪。然無知者猶將有烏盡弓藏之議。是今日之逆跡彰露。使人人知其必不可不誅。未必非上蒼之默啟之也。人情樂於觀成。難與謀始。上年定議

平定遠圖彙編卷之三

四

用兵。舉朝率多疑議。及伊犁平定。則以爲事出意外。聞阿睦爾撒納負恩逃叛。又以爲究不可辦。且以爲此固當然。今聞伊犁宰桑。悔罪擒賊。或又以爲恐未必然。人心風俗。一何怯懦至此。此朕所以愧且懼也。班第鄂容安見危授命。固爲可憫。然於事無補。迥非傅清拉布敦之殞身西藏。爲國除兇者。可同年而語。然一死已足自贖。班第誠勇公爵。

仍著加恩令伊子巴祿承襲鄂容安襄勤伯爵著該旗帶領伊子引見令其承襲朕於軍國重務一

本大公隨機順應順者嘉與之逆者誅討之奮勇

者獎勵之怯懦者罰極之惟準乎事理之當初非

窮兵勤遠亦不至耗財重費合計現在軍需較之

雍正年間所費不及六之一而偏災賑卹與夫中

外賞賚初未因軍興稍有裁損此王公大臣等所

平定準噶爾方略正編卷之三

五

共知者彼妄生異議者誠何心耶將此事顛末並

在事諸臣功罪宣諭中外知之

臣等謹案西陲用兵始末我

皇上淵衷默運上審

天時中權人事旁灼物情莫不

哲炳先幾

神周獨斷是以

規畫所及微特衆人不能窺尋萬一卽身司其事如

軍營大臣日賴

廟謨指授其間克副稟承者固無不功立効隨捷於

影響設當機領悟稍遲未獲投時赴會已不

免毫釐千里之失此皆成蹟瞭然可指而數

至_臣等所夕

禁廷跪聆

平定準噶爾方略正編卷之三

六

密勿每值羽郵進

御仰荷

訓示精詳並奉

溫旨垂詢參核_臣等輒或扞格一時未卽會心窳要

逮乎事機顯著乃知

聖明一一早爲照燭如操左券如數前籌實無由上

測

高深也。詩曰：先民有言，詢于芻蕘。又曰：如彼築室于

道謀，是用不潰于成。蓋

聖人於輿情日用之恒，無一事不

虛公博採，以資集益。若

國家軍行至計所在，則自古以為非常之原。芸芸

者流，徂方隅未見，豈易與言發謀慮始。故築

室之戒，持之不得不堅。其義政與先民所稱

平定噶爾丹聖編卷之三

七

交引互發，於此益信我

皇上建從來未有之

膚功，先擅從來未有之

睿算。又豈方策中韜鈴智略所可少叅擬議者哉。

諭定西將軍策楞安撫伊犁事宜。

上諭軍機大臣曰：春間會降諭旨，平定伊犁後，將四

衛喇特及各鄂拓克人衆編為旗分佐領，其宰桑

卽都統職銜，得木齊卽佐領職銜，收楞額卽驍騎

校職銜，與準噶爾舊例無異。原屬易於遵行，但此

時尚可毋庸辦理。現在進兵，凡投誠之台吉宰桑

等，著策楞卽速奏聞，朕當酌量賞以品級職銜。俟

明年來京入覲，再行封授。準噶爾人等不知約束，

易生疑惑，策楞至伊犁後，諸凡條例，務須簡易明

白，便於遵行，不必似內地之詳密，使伊等手足無

平定噶爾丹聖編卷之三

大

措，方為妥協。至貢賦一項，準噶爾連年不靖，近又

遭阿睦爾撒納滋擾，疲弊已極。今年貢賦，著加恩

寬免，自明年為始。減伊等原納貢賦之半徵收。此

項仍為賞給彼處衆人俸祿及養贍喇嘛之用。著

策楞詳細曉諭伊等知悉。辦理大局已定，其餘事

務，暫留玉保厄爾錐音等在彼辦理。策楞著帶尼

瑪哈薩克錫喇吞圖布恩克博羅特等三二人同

至京師。詳細籌畫。再行辦理。其伊犁從前原議駐兵五百名。今亦毋庸增添。仍照舊數。派索倫兵五百名駐劄。惟兵丁馬匹。須在一處。如蒙古游牧人等。庶可以資防守。其議遣濟隆胡土克圖前往伊犁之處。宜詳察彼處喇嘛等情形。再行遣往。著策楞訪問厄爾錐音等具奏。此等事宜。雖尚可緩。亦須豫為籌及。策楞等務期于事有益。隨宜妥酌辦理。

平定準噶爾方略正編卷之三

九

定邊左副將軍哈達哈等疏奏防範烏梁海事宜。

宜。

哈達哈等奏言。臣等奉到

諭旨。令會同青滾雜卜。商酌防範收服烏梁海事宜。

適青滾雜卜來至布延圖軍營。臣與之商議。據

青滾雜卜告稱。新收汗哈屯烏梁海等。愚蠢無

知。經阿睦爾撒納遣人唆誘。不可不留心防範。已令郭勒卓輝等。由烏梁海得木齊內。選派數員。帶兵駐劄哈道里等處。瞭望遇事。即行傳報。其額爾齊斯地方。有郭勒卓輝屬人博博等一百戶。尤屬可疑。且去宰桑處甚遠。難於約束。並諭令郭勒卓輝將伊等內移。以防逃竄。所有新收烏梁海等。現在俱行加意防範。奏入。報聞。

平定準噶爾方略正編卷之三

十

庚戌。

諭山西巡撫恒文採辦商駝。

上諭軍機大臣曰。據明德奏稱西路軍營駝隻。現在

陝甘二省採辦。尚未充裕。晉省歸化城朔平一帶

商販駝隻甚多。請勅下該撫採辦等語。著傳諭恒

文。在該省商販駝隻內採辦一二千。沿邊解送肅

州聽用。

辛亥。

議安插噶爾丹達爾扎等。

軍機大臣奏言。臣等詢問台吉噶爾丹達爾扎

濟克濟扎卜等。舊住青海。因羅卜藏丹津謀叛。

移住喀爾喀。後為茂海策凌等。適勒同逃。準噶

爾地方。大兵平定伊犁。經將軍班第等查明給

平定噶爾喀整編卷之三

三

與戶口。交與侍衛瑪瑞帶領入

覲。中途為呼爾璦台吉達瓦屬下搶掠。今將軍策楞

進兵。達瓦屬人。仍將伊等送回。應請

旨發回喀爾喀游牧居住。奏入。

上從之。

定西將軍策楞等疏奏遣人曉諭伊犁喇嘛等

各事宜。

策楞等奏言。臣等將普爾普所告伊犁喇嘛宰

桑等擒賊自効情形。詢之諾爾布林沁諾海奇

齊克等。俱云此係實在情形。並無可疑。宰桑烏

克圖。人甚明白。係噶爾丹策零時舊人。伊犁擾

亂時。並未附和從賊。此次遣人前來告知。亦必

出伊定見等語。臣即令諾爾布林沁等。寄信各

喇嘛宰桑知悉。現在大兵進發。額林哈畢爾噶

平定噶爾喀整編卷之三

三

各台吉宰桑等。俱派兵隨行擒剿逆賊。伊等果

能擒賊來獻。自當奏聞加恩。若所言不實。即用

兵剿滅。遣得木齊德訥克同策卜登。前往曉諭。

並將

皇上軫念將軍。及曉諭準噶爾部眾各

諭旨。齋往宣示。又據普爾普告稱。現在額林哈畢爾

噶一路。不便行走。須由烏魯木齊。取道吐魯番

從朱爾都斯前進。方為妥協。卽照伊所請前往。臣並將奉到

諭旨。令會同諾爾布林沁等尅期勦滅阿巴噶斯等

游牧事宜。與諾爾布林沁等商議。據稱前因伊

父遣人告知靜候將軍大臣等到時商議。是以

未卽派兵同來。今現擬將附近之布魯古特呼

爾瑞各處兵丁。先派一千餘名。於十二月初五

平定準噶爾方略正編卷之三

三

日齊抵軍營。俟其到時。臣卽於初七日領兵前

進。奏入報

聞。

定邊左副將軍哈達哈等疏奏換易烏梁海馬

匹事宜。

哈達哈等奏言。臣等遵奉

諭旨。與青滾雜卜及察達克等商議。換易烏梁海馬

匹事宜。據察達克告稱。新收烏梁海等。約可換

馬一千匹。但馱載物件。往彼換易。路程較遠。請

將茶煙緞匹等項。運至吹地方。彼處離汗哈屯

游牧甚近。臣卽派察達克等前往辦理。計換馬

一匹。所給物件運價。約銀七兩五錢。其舊厄魯

特貝子朋楚克公丹拜及青滾雜卜所屬烏梁

海等。亦可購馬一千匹。請每匹給與價銀七兩

平定準噶爾方略正編卷之三

三

五錢。卽交青滾雜卜派人辦理。再從前禁止烏

梁海等在卡倫附近交易。恐其滋生事端。今伊

等感激

天恩。誠心歸順。請嗣後每年或一次或二次。令蒙古

商人等馱運物件。換易伊等牲畜。卽在吹地方

交易。似于彼此有益。奏入報

聞。

癸丑。

命賞給都爾伯特游牧人等籽種糧石。

上諭軍機大臣曰。舒明奏稱都爾伯特汗策凌等告

知伊屬人等生計稍艱。請將游牧移至額克阿喇

勒等語。伊犁平定後。原議定伊等遷至舊游牧額

爾齊斯地方居住。若額克阿喇勒。則附近卡倫。遷

往居住。事屬可行。著照所請。即於今歲遷往彼處

平定邊疆整頓之至

五

游牧。俟擒獲阿逆後。仍令伊等遷至額爾齊斯路

更近便。倘有派伊等兵丁之處。即由彼派往。諸事

易於辦理。策凌等既稱在推河地方。生計稍艱。著

賞給籽種六百石。交與恒文等。運至額克阿喇勒

地方。務於明年三月內。運到使伊等得以及時耕

種。毋致遲悞。又據納穆扎爾奏稱。輝特和碩特人

等。現將牲隻在塞楞額鄂爾昆等處。換易籽種等

語。輝特和碩特人等。今歲自軍營回來。又向塔米

爾扎卜。堪往返遷移。牲隻疲瘦。不必令其換易。亦

著納穆扎爾。查明應需籽種若干石。行文恒文處

支領賞給。以示體卹。至策凌等。從前騎馱前往軍

營之馬駝。現在應行交納。但念伊等往返軍營。牲

隻不無疲瘦。著寬限二年。陸續交納。

叅贊大臣富德疏奏。噶爾藏多爾濟等。赴軍營

平定邊疆整頓之至

美

日期。

富德奏言。臣帶領噶爾藏多爾濟等。至巴里坤。

遵

旨。換給伊等馬駝。并賞給台吉宰桑等。緞匹及兵丁

銀兩。伊等感激奮勉。議定於十一月二十四日。

自巴里坤起程。前赴軍營。旋據巴雅爾告稱。自

巴里坤第三臺度集地方。離伊游牧甚近。擬先

往備兵。且與和通那勤商議。寄信額林沁。令其

擒獻阿睦爾撒納。卽令伊等前行。又於十一月

三十日。接到策楞咨稱。普爾普來告伊犁衆喇

嘛宰桑等情願擒賊自効情形。臣卽曉諭各台

吉宰桑。伊等更覺踴躍。據噶爾藏多爾濟告稱

現在已到伊所屬扎哈沁地方。既有此信。應卽

先往游牧。整齊兵馬。速行進剿等語。亦照伊所

平定準噶爾方略正編之五

毛

請。派管總巴雅爾等同伊前往。臣亦帶領官兵。

尅期前進。奏入。報

聞。

乙卯。

恩賞布庫努特等口糧。

上諭軍機大臣曰。據和起等奏稱。派出隨同吞圖布

進兵之布庫努特兵二十名。現照達什達瓦屬人

之例。賞給口糧馬匹等語。前據吞圖布稱。伊布庫

努特人衆。共九十餘戶。酌量可選兵七八十名。今

僅用二十人。殊屬太少。著再選派六十名。令其帶

領前往。此項布庫努特等九十餘戶。早經投順。從

前永常未經奏聞。是以未及施恩。除揀派兵丁給

與馬匹口糧外。其餘人等。俱著照達什達瓦屬人

之例。一體賞給口糧。以示優卹。

平定準噶爾方略正編之五

天

命定西將軍策楞確勘錫克錫爾格擒賊自効情形。

上諭軍機大臣曰。詢問侍衛滿楚。知錫克錫爾格將

薩喇爾羈留。加之困辱。情形甚屬可惡。昨據策楞

等奏稱。伊犁喇嘛及錫克錫爾格等。情願擒賊自

効。會降旨宥伊等罪愆。現在大兵進發。伊等果擒

獻首惡。悔罪輸誠。尚屬可恕。若因力不能支。始將

阿逆獻出。希冀邀恩。則非出於本心。應仍將錫克